



4. O aproveitamento entenderase prorrogado mentres non se presente a baixa debidamente xustificada polo interesado. A tal fin os suxeitos pasivos deberán presentar a oportuna declaración no prazo dun mes seguinte a aquel en que se retire a instalación. Xunto coa declaración, o suxeito pasivo deberá acompañar a licenza expedida polo Concello para suprimir físicamente o aparto.

A presentación da baixa surtirá efectos a partir do primeiro día do trimestre natural seguinte ao da efectiva retirada do caixeiro automático.

Sexa cal sexa a causa que se alegue en contrario, a non presentación da baixa coas especificacións anteriores, determinará a obriga de continuar abonando a taxa.

### ARTIGO 8.—PERIODO IMPOSITIVO E DEVENGO

1. O periodo impositivo comprenderá o ano natural, salvo nos supostos de inicio ou cese do aproveitamento especial, en cuio caso, o periodo impositivo axustarase a esta circunstancia co seguinte prorratoe da cota, calculándose as tarifas proporcionalmente ao número de trimestres naturais que resten para finalizar o ano, incluido o do comienzo do aproveitamento especial. Asimesmo, e en caso de baixa por cese no aproveitamento, as tarifas serán prorratoables por trimestres naturais. A tal fin, os suxeitos pasivos poderán solicitar a devolución da parte da cota correspondente aos trimestres naturais nos que non se producirá o aproveitamento citado.
2. Nos sucesivos exercicios, a taxa liquidarase por medio de Padrón de cobro periódico por recibo, nos prazos que determine, cada ano, a Corporación.

### ARTIGO 9.—INFRACCIONES E SANCIÓNS:

1. En todo o relativo á calificación de infraccións tributarias, así como das sancións que ás mesmas correspondan en cada caso, estarase ao disposto no artigo 183 e seguintes da Lei Xeral Tributaria.

### DISPOSICIÓN FINAL

A presente Ordenanza fiscal entrará en vigor o día da súa publicación no Boletín Oficial da provincia e comenzará a aplicarse a partir do 1 de xaneiro de 2013, permanecendo en vigor ata a súa modificación ou derogación expresa.

Salceda de Caselas, a 3 de setembro de 2012.—A 1<sup>a</sup> Tte. de Al Calde en funcións de Alcalde (Decreto nº 286/2012), Marina Cabaleiro Fernández.

### A N U N C I O

#### APROBACIÓN DEFINITIVA DA ORDENANZA REGULADORA DO PREZO PÚBLICO POR UTILIZACIÓN DO AUDITORIO MUNICIPAL.

O Pleno do Concello en data de 15 de maio de 2012 aprobou inicialmente a Ordenanza Reguladora do Prezo Público por Utilización do Auditorio Municipal.

O expediente someteuse a información pública por un prazo de trinta días hábiles, mediante a publicación do correspondente anuncio no Boletín Oficial da Provincia n.º 109, do 7 de xuño de 2012, e más no taboleiro de anuncios da Casa do Concello, para o seu exame e presentación de reclamacións.

O Pleno da Corporación, en sesión que tivo lugar o 31 de agosto de 2012, procedeu á resolución das reclamacións presentadas en tempo e forma, e en consecuencia, aprobou definitivamente a ordenanza que de seguido se publica co seu texto íntegro, que entrará en vigor unha vez publicado enteiramente o seu texto no BOP e así que transcorra o prazo de 15 días ao que se refiren os artigos 70.2 e 65.2 da Lei 7/1985, de 2 de abril, Reguladora das Bases de Réxime Local:



### **ORDENANZA REGULADORA DO PREZO PÚBLICO POLA UTILIZACIÓN DO AUDITORIO MUNICIPAL**

#### **ARTIGO 1.—CONCEPTO**

De conformidade co previsto no artigo 127, en relación cos artigos 41 a 47 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, o Concello de Salceda de Caselas establece o prezo público pola utilización do Auditorio municipal, que se rexerá pola presente Ordenanza.

O aluguer para a utilización do Auditorio Municipal estará limitado á realización de actos culturais, festivais benéficos, actos deportivos que posibiliten a súa realización nas instalacións do auditorio, actos informativos e actos políticos.

#### **ARTIGO 2.—OBRIGADOS Ó PAGAMENTO**

Están obrigados ao pagamento do prezo público regulado nesta Ordenanza quen se beneficie dos servizos prestados recollidos no artigo anterior.

#### **ARTIGO 3.—CONTÍA**

1. A contía do prezo público regulado nesta Ordenanza será a fixada na tarifa contida no apartado seguinte.
2. A tarifa única deste prezo público pola cesión do auditorio municipal será a seguinte: 50,00 €/día.

#### **ARTIGO 4.—NACIMENTO DA OBRIGACIÓN**

A obriga de pago do prezo público regulado nesta Ordenanza nace desde que se aprube polo órgano competente a cesión do uso.

#### **ARTIGO 5.—NORMAS DE XESTIÓN**

1. Os interesados na utilización do Auditorio municipal deberán presentar a oportuna solicitude ao respecto.
2. O pago do prezo público efectuarase no prazo indicado na resolución da cesión e, en todo caso, con carácter previo ó uso das instalacións.
3. A reserva do Auditorio considerarase confirmada unha vez que se reciba o resgado do preceptivo ingreso efectuado na entidade bancaria que indique o Concello, no prazo sinalado na notificación da disponibilidade da reserva. Transcorrido dito prazo sen terse efectuado o ingreso quedará anulada a reserva.
4. A anulación da reserva do Auditorio realizada polos interesados, entre 60 e 30 días naturais anteriores á data de autorización desa actividade, terá unha retención do 25% do prezo público. As anuladas entre os días 30 e 10, terá una retención do prezo público do 50% e cando a anulación teña lugar durante os 10 días anteriores a data de autorización da actividade non se producirá devolución do importe do prezo público ingresado.
5. Cando por causas non imputables ao obrigado ó pago non poida procederse a cesión do Auditorio, procederá a devolución do importe que estivera ingresado.
6. Cando se produza un dano ou deterioro imputable ao usuario, este, sen prexuízo do pago do prezo público, estará obrigado ao reintegro do coste total dos gastos de reparación, e se o dano fose irreparable, o Concello será indemnizado en contía igual ó valor dos bens destruidos ou danados, non puidéndose condonar total nin parcialmente estas indemnizacións.

#### **ARTIGO 6.—EXENCIÓNS**

Nos casos en que se xustifique, poderán ser gratuítas as cesións para a realización de actividades das administracións públicas ou organismos de dereito público delas dependentes, asociación de calquer



tipo, fundacións e institucións sociais e benéficas que non teñan carácter lucrativo, ou realicen actividades de interese social e cultural, sempre que estas actividades sexan de carácter gratuito.

### DISPOSICIÓN FINAL

A presente Ordenanza entrará en vigor unha vez publicado enteiramente o seu texto no BOP e así que transcorra o prazo de 15 días ao que se refiren os artigos 70.2 e 65.2 da Lei 7/1985, de 2 de abril, reguladora das bases de réxime local, permanecendo en vigor ata a súa modificación ou derogación expresa.

Salceda de Caselas, a 3 de setembro de 2012.—A 1<sup>a</sup> Tte. de Al Calde en funcións de Alcalde (Decreto nº 286/2012), Marina Cabaleiro Fernández.

### A N U N C I O

#### **APROBACIÓN DEFINITIVA DA ORDENANZA REGULADORA DOS USOS DO AUDITORIO MUNICIPAL DE SALCEDA DE CASELAS**

O Pleno da Corporación municipal, en sesión que tivo lugar o 15 de maio de 2012, aprobou inicialmente a Ordenanza Municipal Reguladora dos Usos do Auditorio Municipal.

Ao abeiro do establecido no artigo 49 da Lei 7/85, do 2 de abril, Reguladora das Bases de Réxime Local (LBRL), someteuse o expediente a información pública por un prazo de trinta días hábiles, mediante a publicación do correspondente anuncio no Boletín Oficial da Provincia n.º 109, do 7 de xuño de 2012, e máis no taboleiro de anuncios da Casa do Concello, para o seu exame e presentación de reclamacións e suxestións.

O Pleno da Corporación, en sesión que tivo lugar o 31 de agosto de 2012, procedeu á resolución das reclamacións presentadas en tempo e forma, estimándoas parcialmente e, en consecuencia, aprobou definitivamente o texto da ordenanza, que se publica a continuación para xeral coñecemento, de conformidade co artigo 70.2 da Lei 7/1985, do 2 de abril.

#### **ORDENANZA REGULADORA DOS USOS DO AUDITORIO MUNICIPAL DE SALCEDA DE CASELAS**

##### **ARTIGO 1. OBXECTO**

A presente ordenanza ten por obxecto establecer as condicións de uso das instalacións e do material do Auditorio Municipal do Concello de Salceda de Caselas, ubicado no edificio anexo á Casa do Concello, co obxecto de lograr unha utilización racional e ordeada do mesmo.

##### **ARTIGO 2. USOS DO AUDITORIO MUNICIPAL**

**2.1.** O Concello autorizará o uso do Auditorio Municipal para actos que se engloben nas seguintes categorías:

- Actos culturais
- Festivais benéficos
- Actos deportivos que posibiliten a súa celebración nas instalacións do Auditorio.
- Actos informativos
- Actos políticos
- Calquera outro tipo de acto que se considere apropiado por parte do Concello e que cumpla co disposto na presente ordenanza.

**2.2.** Non se autorizará o uso do Auditorio Municipal nos seguintes supostos:

